



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**2021**

**UMHLAHLANDLELA WOKUTSHWAYA**

**IMITLOMELO: 100**

**Umhlahlandlela wokutshwaya lo unamakhasi ali-13.**

**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1****TJHEJA:**

- Kiwo woke amatheksthi yelela inani lamagama aphakanyisweko. I-eseyi ephathelene nesithombe ayinikelwe isihloko esiyifaneleko.
- Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambelana nesihloko.

**1.1 NGATHOKOZELA BONA KWAKULIBHUDANGO.**

**Nakhu okuqakathekileko nakutshwaywa le-eseyi:**

- Le yi-eseyi lapho umtlozi adamba ngesihlakalo esithileko esakhe senzeka kuye, akhe asibona senzeka komunye nofana acocelwa ngaso. Kuyenzeka kokhanye umtlozi atlole i-eseyi ayisusele ehloko.  
**(TJHEJA: I-eseyi le kungenzeka kube ngecoco/ngeveza imizwa bucoca).**
- Ohlolwako kulindeleke bona acoce bekahlathulule bona indlela athokoza ngayo bonyana lokho kwakulibhudango, kungasi yinto yamambala.
- Ohlolwako kulindeleke bona atlole indaba ibe sesikhathini esidlulileko beyikhohlakale nanyana kungeyokuzitlamela.
- Kufanele ohlolwako asebenzise amagama abeka tihatjhalazi bonyana ngikuphi abegade abhudanga ngakho.
- Yamukela i-eseyi eveza amaphuzu abhamba nofana afihlakeleko ngesihlokweni.

**[50]****1.2 IMIKGHWAKHE EMIMBI NGIYO EYANGENZA BONA NGITJHIDE EQADI KWAKHE.**

**I-eseyi le kungenzeka kube ngehlathululako/ngecoco.**

**Nakhu okuqakathekileko nakutshwaywa le-eseyi:**

- Le yi-eseyi lapho umtlozi afuze anabe khudlwana, acoce ngemikghwa eyamenza bona atjhide eqadi komuntu loyo.
- Ohlolwako kulindeleke bona ahlathulule imikghwa leyo eyamenza bona atjhide eqadi komuntu loyo.
- Ohlolwako kulindeleke bona atlole indaba ibe sesikhathini esidlulileko beyikhohlakale nanyana kungeyokuzitlamela.
- Kufanele ohlolwako asebenzise amagama azokubeka tihatjhalazi nofana azokubeka kukhanye bha bona ngimiphi imikghwa eyenziwa mumuntu loyo neyabangela bona agcine sele atjhidile eqadi kwakhe.
- Yamukela i-eseyi eveza amaphuzu abhamba nofana afihlakeleko ngesihlokweni.

**[50]**

**1.3 INDLELA ILUTJHA ELISEBENZISA NGAYO IINKUNDLA ZOKUTHINTANA AMALANGA LA.**

**I-eseyi le kungenzeka ibe ngeveza imizwa/ehlathululako.**

**Nakhu okuqakathekileko nakutshwaywa le-eseyi:**

- Ohlolwako akaveze imizwakhe nokuthatheka kwehliziyo ngesihloko anikelwe sona.
- Ohlolwako akaveze imizwakhe ngendlela ilutjha elisebenzisa ngayo iinkundla zokuthintana amalanga la.
- Ihlangothi elikhulu le-eseyi le akube ngeliveza imizwa nofana anabe khudlwana ngalokho okusengqondwenakhe ngesihlokweni.
- Okuqakatheke khulu ngesihlokweni kukobana ohlolwako kumele aveze indlela ilutjha elisebenzisa ngayo iinkundla zokuthintana amalanga la.
- Kilesisihloko silindele ukubona umfundi akhuluma ngesihlokweni aveza izehlakalo ezibhamba nofana aveza amazizwakhe ngendlela ilutjha elisebenzisa ngayo iinkundla zokuthintana amalanga la.

**[50]**

**1.4 UKUPHILA NEEMBOTJHWA EZITJHATJHULULWE NGEPARULA KUYASISIZA ISIBOTJHWA KODWANA KULIMALE UMPHAKATHI.**

**I-eseyi emahlangothimabili**

**Nakhu okuqakathekileko nakutshwaywa le-eseyi:**

- Ohlolwako kulindeleke bona aveze tihatjhalazi amaphuzu amahle namambi wokuphila neembotjhwa ezitjhatjhaululwe ngeparula kodwana ukube kulimala umphakathi.
- Okuqakathekileko nge-eseyi le kukobana ohlolwako kulindeleke bona angathathi ihlangothi, anikele amaphuzu amahle namambi ngesihlokweni.

**[50]**

**1.5 IZENZO ZOMUNTU ZIKHULUMA UKUDLULA AMAGAMA AWATJHO NGOMLOMAKHE. VUMELANA NOFANA UPHIKISANE NESITATIMENDESI.**

**I-eseyi ehlangothilinye.**

**Nakhu okuqakathekileko nakutshwaywa le-eseyi:**

- Ohlolwako kulindeleke bona athome ngokobana akhethe ihlangothi azokutlola ngalo, aveze indlela izenzo zomuntu ezikhuluma ngayo ukudlula amagama awatjho ngomlomakhe nofana aphikisane nesitatimendesini aveze bona amagama umuntu awatjho ngomlomakhe kesinye isikhathi asuke angahlathululi izenzo zomuntu loyo.
- Kuqakathekile bona ohlolwako anikele amaphuzu asekelwa imibonwakhe nakavumelana nofana aphikisana nesitatimendesini kufikela ekupheleni kwendabakhe.

**[50]**

- 1.6      1.6.1-      • Ohlolwako angakhetha nanyana ngimuphi umhlobo we-eseyi  
1.6.3      1.6.3      afuna ukutlola ngawo. Kungaba yi-eseyi ecocako, ehlathululako,  
eveza imizwa, emahlangothimabili nofana ehlangothilinye.
- Kuqakathekile bona ohlolwako aqinisekise bonyana indabakhe nesithombe ziyakhambelana.
  - Ohlolwako angacoca ngemibono ebhamba nofana aveze imibono efihlakeleko ngesithombe asikhethileko. **[50]**

**IMITLOMELO YESIGABA A:      50**

**ISIGABA B: AMATHEKSTHI WOKUTHINTANA****UMBULO 2****2.1 INCWADI YOMTHETHO/YABAKHULU****Nakhu okuqakathekileko nakutshwaywa incwadi yomthetho/yabakhulu:**

- Iba neemphande ezimbili, zitlolwe ngokujayelekileko. Isiphande sotlolelwako asibi nelanga/idadamu ekutlolwe ngalo incwadi. Tjheja: iimphande, isilotjhiso, isihloko nesiphetho azingabalwa lokha nakubalwa inani lamagama.
- Itlolelwa umuntu othileko onesikhundla esithileko. Ngalokho-ke kufanele otlolako aphakamise isikhundla saloyo amtlolelako ngaphambi kokutlola isiphande sesibili.
- Iba nesilotjhiso esingaphakamisi ibizo lomuntu otlolelwako kodwana kutlolwa bona Nomzana (Nom.) nofana Kosikazi (Kkz.).
- Isihloko salokho otlola ngakho sitlolwa ngamagabhadhela nawutlole ngamagama amancani uthalele.
- Esingenisweni kufanele kutlolwe umnqopho/isizathu sokutlola leyo ncwadi.
- Ohlolwako kulindeleke bona ahlathulule ngokuzeleko lokho akhuluma ngakho emzimbeni. Iba nomzimba lapha otlolako acoca khona indabakhe.
- Iba nesilayeliso. Kulindeleke bona asebenzise amagama afana nanaka: *Ngizokuthokoza, Ngizokuthaba, Kuzongithabisa*.
- Iba nesiphetho esiveza bona ibuya kubani. Utlola amagamakho nofana iinthomo zamagamakho nesibongo bese uyayitlikitla. Kulindeleke bona bengubo baveze bona bendile/batjhadile nofana awa ngokutlola Mm. nofana Kkz. /Ksz. ngemva kokutlikitla incwadi leyo. Lokhu kwenzelwa ukobana loyo otlolelwako azi kuhle bona utlolelwe ngubani nebembaji abaveze ubulili babo ngokutlola u-Nom.

**[25]****2.2 UMLANDO KAMUFI****Nakhu okuqakathekileko nakutshwaywa umlando kamufi:**

- Uba nesihloko esinamagama kamufi apheleleko phezulu.
  - Amagamakhe apheleleko.
  - Ilanga abelethwa ngalo.
  - Igama lendawo abelethelwa kiyo. **Tjheja:** Akungatlolwa igama lesibhedlela.
  - Ubelethwa bobani.
  - Imithombo yefundo asele adlule kiyo (inkolo zamazinga aphasi nezemazingeni aphakemeko afunda kizo).
  - Akuzuzako eemfundweni zakhe (lintifikedi, amadiploma neziqu azifumanako).
  - Iindawo asebenze kizo (Eendaweni asebenze kizo begade angamele/aphethe ziphi iinkhundla.)
  - Iinkhundla azifumanako.
  - Ilanga akhambe ngalo ephasini.
- Tjheja:** Akungatlolwa unobangela wokuhlongakala kwakamufi kodwana kungavezwa khunye kwalokhu: webiwe ngunokufa lokha nakakhambe ngengozi, uhlolongakele ngemva kokugula isikhathi esifitjhani nofana eside nakagulileko.

- Umndenakhe awutjhiyileko ephasini njengomyenakhe nofana ukosikazi, abentwana, ababelethi, iinzukulu zakhe nabanye ahlobana nabo ngokweengazi.
- **Tjheja:** Akungatlolwa amabizo weenini ezitjhiyweko. Isiphetho akube mumutjho omfitjhani wokumlayelisa nofana iinanazelo zakhe.

**[25]**

### 2.3 IKULUMO-PENDULWANO.

**Nakhu okuqakathekileko nakutshwaywa ikulumo-pendulwano:**

- Iba nesihlokwana esifakwa ngeembayaneni esihlathulula indawo, amabizo wabantu abakhulumako nalokho abakhuluma ngakho.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziswa. Akutlolwa litho ngaphasi kwamagama walabo abakhulumako.
- Kutlolwa ikholoni emva kwamagama wabantu abakhulumako.
- Imizwa yabakhulumako ayifakwe ngeembayaneni ngaphambi kwegama laloyo okhulumako.
- Isiphetho sendaba siba sekulumeni yabo, kuzwakale bona seiyaphetha.

**Amaphuzu alindeleke ngesihloko:**

- Ukungavumi kombelethako ukobana ufunde ubutitjhere,
  - Veza iinzathu zokungavumi kwakhe.
  - Hlathulula ubujamo bendawo enihlala kiyo.
  - Veza iinzathu zokuthanda kwakho ibizelo lobutitjhere leli.
- Tjheja: Abafundi bangaveza namanye amaphuzu angakavezwa ngehla.

**[25]**

### 2.4 IKULUMO EHLELWEKO

**Nakhu okuqakathekileko nakutshwaywa ikulumo ehlelweko:**

- Ihloso yekulumo ayivezwe tjhatjhalazi.
- Itlolwe ngeendima.
- Isihloko siveze bona ikulumo izokwenzelwa kuphi, ngubani, ngaliphi ilanga begodu sethule okumunyethwe yikulumo.
- Isingeniso sibe sifitjhani.
- Esingenisweni ococako alotjhise abakhona ngokulandelana kwabo nangeenkundla zabo.
- Emzimbeni ummongondaba uthulwe ngokucacileko ngokusebenzisa imitjho emifitjhani neembonelo ezifaneleko.
- Esiphethweni kurhunyezwe lokho egade kukhulunywa ngakho bese kufakwe neselela.

**[25]**

**2.5 UMBIKO ONGAKAHLELEKI****Nakhu okuqakathekileko nakutshwaywa umbiko ongakahleleki:****Ohlolwako akaveze okulandelako:**

- Isihloko kumele sibe nebizo lomuntu nanyana abantu umbiko oqaliswe kibo.
- Akadlulise ilwazi elithileko.
- Amaphuzu abe liqiniso, kungabi mibono.
- Amaphuzu aphaathelane nesehloko/nalokho akubone kusenzeka ngamehlo.
- Amaphuzu atlolwe ngamaphoyinti.
- Ilimi elisetjenziswako kulindeleke bona likhambelane naloyo nanyana labo umbiko oqaliswe kibo.
- Akatlole umbiko njengomuntu wesithathu ekukhulunywa ngaye.
- Uba nesiphetho.

**Amaphuzu alindelekileko ngesihloko:**

- Ubujamo bendawo ebenibukele kiyo umdlalo.
- Amagama wabantu ebenihlezi nabo.
- Isisusa senturhu/serarano/kwaba yini umbango.
- Ukulandelana kweengameko/kwezehlakalo, njengokuthi ngubani othome warhuga omunye, kuze njani bona barhugane bekufike kulapha babambana khona ngezandla kulimale omunye, njll.
- Ngimiphi imizamo eniyenzileko ukulinga ukulamula.

Tjheja: Abafundi bangaveza namanye amaphuzu angakavezwa ngehla.

**[25]****2.6 I-ATHIKILI KAMAGAZINI****Nakhu okuqakathekileko nakutshwaywa i-athikili kamagazini:**

- Ohlolwako akatlole isihloko esidosa besilulubeze ofundako.
- Ohlolwako kulindeleke bona atlole i-athikilakhe ayihlukanise ngamakholomu. Lokhu kuzokusiza ukobana ingabi nesakhiwo esifana nese-eseyi nofana ibe nesakhiwo sesikhangiso.
- Kufuze ikhulume noyifundako begodu ibe sesitayeleni saloyo oyitlolako.
- Akufakwe amagama, iindawo, isikhathi, ubujamo nezinye iinsiza kungafakwa ku-athikili.
- Iindima akukafuzi bona zibe zide.
- Amagama asetjenzisweko kufuze kube ngilawo azakwamukeleka.

**[25]****IMITLOMELO YESIGABA B: 50**  
**INANI LOKE: 100**

**ISIGABA A: IRUBHRIKHI YOKUTSHWAYA/YOKUHLOLA INDABA/I-ESEYI YELIMI LEKHAYA [50 IMITLOMELO]****TJHEJA:**

- Sebenzisa irubhrikhi njalo nawutshwaya i-eseyi.
- Amamaksi asukela eli-0–50 ahlukaniwe ngamazinga weentladhluli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladhluli lihlukaniwe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

**IRUBHRIKHI YOKUHLOLA INDABA YELIMI LEKHAYA [50 AMAMAKSI]**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
<b>OKUMUNYETHWEKO NOKUHLOLA</b>  (Ukuphendula) Ukuhleleka kwemiqondo yokuhlela. Ukulemuka komnqopho, abamukeliwazi nobujamo.  <b>30 AMAMAKSI</b>	Izinga eliphezulu	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		- Ukuphendula <b>okudluleleko</b> . - Imiqondo <b>ehlakaniphileko</b> , evusa imiqondo netjengisa <b>ukukhula</b> . - <b>Ukuhleleka okudluleleko nokukhambelana</b> kwesingeniso, umzimba nesiphetho.	- Ukuphendula <b>okuhle khulu</b> . - Kunobufakazi <b>nokukhula</b> kwendaba okubonakalako <b>okumnandi</b> . - <b>Ukuhleleka okuhle khulu</b> nokukhambelana kwesingeniso, umzimba nesiphetho.	- Ukuphendula <b>okwanelisako</b> . - Imiqondo <b>ekhambelana</b> <b>nekholisako</b> . - <b>Kunokuhleleka nokukhambelana okulingeneko</b> kwesingeniso, umzimba nesiphetho.	- Ukuphendula <b>okungakajami ndawonye</b> . - Imiqondo <b>engakanqophi</b> . - Ubufakazi <b>obuncani bokuhleleka nokukhambelana</b> kwesingeniso, umzimba nesiphetho.	- Ukuphendula <b>okuphume endleleni khulu</b> . - Imiqondo <b>enganatliha nengazwakaliko</b> . - Imiqondo <b>ebuyabuyelelweko</b> . - Imiqondo <b>engakahleleki nengakhambelana</b> .
	Izinga eliphasi	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		- Ukuphendula <b>okudluleleko kodwana kutlhayela amatshwayo wendaba ehle</b> . - Imiqondo <b>ekhulileko nenokuhlakanipha</b> . - <b>Kunokuhleleka nokukhambelana okuhle</b> kwesingeniso, umzimba nesiphetho.	- Ukuphendula <b>okuhle</b> . - Imiqondo <b>ekarisako nekhambelana</b> . - <b>Kunokuhleleka nokukhambelana okuhle</b> kwesingeniso, umzimba nesiphetho.	- Ukuphendula <b>okwanelisako kodwana okunganatliha</b> . - Imiqondo <b>izwakala/ikhambelana ngokulingeneko</b> . - <b>Kunokuhleleka nokukhambelana okulingeneko</b> kwesingeniso, umzimba nesiphetho.	- Ukuphendula <b>okungakhambelana</b> <b>nokusezingeni eliphasi</b> . - Imiqondo <b>ayikahlangani begodu ayikanqophi</b> . - <b>Kunokuhleleka okungakhambelana</b> nesingeniso, umzimba nesiphetho.	- Ukuphendula <b>isihloko akukalingwa nokulingwa</b> . - Imiqondo <b>engakhambelana</b> <b>nengakafaneli</b> . - Imiqondo <b>enganatliha nengazwakaliko</b> .



**IRUBHRIKHI YOKUHLOLA I-ESEYI YELIMI LEKHAYA [50 AMAMAKSI] (iyaraga)**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
		<b>14–15</b>	<b>11–12</b>	<b>8–9</b>	<b>5–6</b>	<b>0–3</b>
<b>ILIMI, ISITAYELA NOKU-EDITHA.</b>  Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwana, iimphumuzi, ihlelo nesipelinghi.	Izinga eliphezulu	- Iphimbo, irejista, isitayela nelwazimagama elifaneleko, elinemba umnqopho, abamukelilwazi nobujamo. - Ukusetjenziswa kwelimi kusezingeni elihle ngokudluleleko. - Ihlelo nesipelinghi esinganamphoso khulu (0-3 = 15 & 4 = 14). - Kutlanywe kuhle ngokudluleleko.	- Iphimbo, irejista, isitayela nelwazimagama elifanele umnqopho, abamukelilwazi nobujamo. - Ilimi liyanemba belisetjenziswe kuhle. - Ihlelo nesipelinghi akunamphoso khulu, zimbalela (10 – 11 = 12 & 13 -14 = 11). - Kutlanywe kuhle khulu.	- Iphimbo, irejista, isitayela nelwazimagama elifanele umnqopho, abamukelilwazi nobujamo. - Ukusetjenziswa kwelimi okwethula ihlathululo. - Ihlelo nesipelinghi kuneemphoso ezinengi (20 kuya phezulu). - Kutlanywe ngokusezingeni elilingeneko.	- Iphimbo, irejista, isitayela nelwazimagama elingakafaneli umnqopho, abamukelilwazi nobujamo. - Ukusetjenziswa kwelimi okusezingeni eliphasi. - Ihlelo nesipelinghi kuneemphoso ezinengi khulukhulu. - Kutlanywe ngokusezingeni eliphasi khulukhulu.	- Iphimbo, irejista nesitayela ezingakafaneli khulu umnqopho, abamukelilwazi nobujamo. - Ilwazimagama elitlayela khulu lenza kube budisi ukuzwisa itheksthi. - Ilimi elingazwakaliko. - Ihlelo nesipelinghi kuneemphoso ezinengi khulu ngokudluleleko. - Kutlanywe ngokusezingeni eliphasi ngokudluleleko.
	Izinga eliphasi	<b>13</b> - Iphimbo, irejista, isitayela nelwazimagama elifaneleko nelihle elinemba umnqopho, abamukelilwazi nobujamo. - Ukusetjenziswa kwelimi kusezingeni elihle khulu. - Ihlelo nesipelinghi esinganamphoso ezinengi (5-9). - Kutlanywe ngokudluleleko.	<b>10</b> - Iphimbo, irejista, isitayela nelwazimagama elifanele umnqopho, abamukelilwazi nobujamo. - Ilimi liyanemba belisetjenziswe ngokufaneleko. - Ihlelo nesipelinghi kuneemphoso ezinengana (15-19). - Kutlanywe kuhle.	<b>7</b> - Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko. - Ukusetjenziswa kwelimi okungathuli ihlathululo. - Ihlelo nesipelinghi kuneemphoso ezinengi khulu (20 kuya phezulu). - Kutlanywe ngokusezingeni eliphasi.	<b>4</b> - Iphimbo, irejista, isitayela nelwazimagama elincani nelisezingeni eliphasi elingakafaneli umnqopho, abamukelilwazi nobujamo. - Ukusetjenziswa kwelimi okungakafaneli. - Ihlelo nesipelinghi kuneemphoso ezinengi khulukhulu. - Kutlanywe ngokusezingeni eliphasi khulukhulu.	
<b>ISAKHIWO</b>  Amatshwayo wetheksthi. Ukwakhiwa kweengaba nemitjho.		<b>5</b>	<b>4</b>	<b>3</b>	<b>2</b>	<b>0–1</b>
		- Kuvezwe amatshwayo neminingwana eqakatheke ngokudluleleko ngesakhiwo sendaba. - Kunokukhambelana okuhle ngokudluleleko kwendaba. - Imitjho neengaba kwakheke ngendlela ehle ngokudluleleko.	- Amatshwayo neminingwana evezweko kukhambelana kuhle - Kunokukhambelana okuhle kwendaba. - Imitjho neengaba kwakheke ngendlela ehle.	- Amatshwayo neminingwana kuvezwe ngokulingeneko. - Kunokukhambelana okulingeneko kwendaba. - Imitjho neengaba kwakheke ngokulingeneko. - Indaba isanikela umqondo.	- Amatshwayo neminye iminingwana yesakhiwo sendaba kuvezwe ngokusisekelo. - Ukwakheka kwemitjho neengaba kuneemphoso. - Indaba isazwakala kancani.	- Amatshwayo neminingwana efunekako kuyatlayela. - Ukwakhiwa kwemitjho neengaba kuneemphoso ezinengi khulu. - Indaba ayinamqondo.

**ISITJENGISO SOKWABIWA KWEMITLOMELO:**

Km- : (Tlola umtlomelo otholwe mfundi)

L- : (Tlola umtlomelo otholwe mfundi)

Sk- : (Tlola umtlomelo otholwe mfundi)

Ilungelo lokukhuphela lifunjethwe

Phendla

**ISIGABA B: AMATHEKSTHI WOKUTHINTANA****IRUBHRIKHI YOKUHLOLA AMATHEKSTHI WOKUTHINTANA WELIMI LEKHAYA [25 AMAMAKSI]**











Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
<b>OKUMUNYETHWEKO, UKUHLELA NESAKHIWO</b>  -Ukuphendula nemibono. -Ukubuthelelwa nokuhleleka kwemibono. - Umnqopho, abamukelilwazi, amatshwayo/ imithethjwana kanye nobujamo  <b>15 AMAMAKSI</b>	<b>13–15</b> - Ukuphendula <b>okudluleleko</b> , okungaphezu kwalokho okulindelweko. - Imiqondo <b>ehlananiphileko nekhulileko</b> . - <b>Ilwazi elingeneleleko</b> lamatshwayo wetheksthi. - Umtlolo unqophile. - <b>Kunokukhambelana kokumunyethweko nomqondo</b> . - Isakhiwo sihleleke <b>kuhle ngokudluleleko, yoke</b> imininingwana esekela isihloko iveziwe. - Isakhiwo <b>esifaneleko nesinembako</b> .	<b>10–12</b> - Ukuphendula <b>okuhle</b> okutjengisa ilwazi elihle lamatshwayo wetheksthi. - Umtlolo unqophile, <b>awukaphumi esihlokweni</b> begodu usekelwe kuhle ngendlela enobukghoni. - Kunemininingwana esekela isihloko. - Isakhiwo esifaneleko kodwana <b>esinokungakhambelaniko okuncazana</b> .	<b>7–9</b> - Ukuphendula <b>okulingeneko</b> okutjengisa ilwazi lamatshwayo wetheksthi. - <b>Akunakudzimelela</b> nokukhambelana okulingeneko <b>kokumunyethweko</b> nemiqondo. - <b>Eminye imininingwana esekela isihloko iveziwe</b> . - Isakhiwo sifanele <b>ngokulingeneko kodwana kunokungakhambelani</b> .	<b>4–6</b> - Ukuphendula <b>ngokusisekelo</b> okutjengisa ilwazi lamatshwayo wetheksthi. - <b>Kunokunqophla okukhona kodwana okunengi kuphambene nesihloko</b> . - Imininingwana esekela isihloko <b>imbalwa</b> . - <b>Kunobutjhapha obukhona</b> obubonakalako emithethweni nematshwayeni wesakhiwo.	<b>0–3</b> -Ukuphendula kutjengisa <b>ukungabi khona kwelwazi</b> lamatshwayo wetheksthi. - <b>Akunakukhambelana</b> kwemiqondo. - Imininingwana esekela isihloko <b>imbalwa khulukhulu</b> . - <b>Akakasebenzisi amatshwayo</b> nemithetho yesakhiwo.
<b>ILIMI, ISITAYELA KANYE NOKU-EDITHA</b>  -Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi kanye nemithethjwana. -Ukukhethwa kwamagama. -Ukusetjenziswa kwamamatshwayo wokutlola nesipelinghi.  <b>10 AMAMAKSI</b>	<b>9–10</b> - Iphimbo, irejista, isitayela nelwazimagama <b>kuwufanele kuhle khulu</b> umnqopho, abamukelilwazi nobujamo. - Ihlelo lisetjenziswe ngokunembako <b>belihleleke kuhle khulu</b> . - <b>Kuneemphoso ezincani khulu</b>  - <b>0-4 yeemphoso tlo melisa=10</b> - <b>5-9 yeemphoso tlo melisa=9</b>	<b>7–8</b> - Iphimbo, irejista, isitayela nelwazimagama <b>kuwufanele kuhle</b> umnqopho, abamukelilwazi nobujamo. - Ihlelo lisetjenziswe ngokunembako belihleleke <b>kuhle</b> . - <b>Akunamphoso ezinengi</b> .  - <b>9-11 yeemphoso tlo melisa=8</b> - <b>12-14 yeemphoso tlo melisa=7</b>	<b>5–6</b> - Iphimbo, irejista, isitayela nelwazimagama <b>kuwufanele ngokulingeneko</b> umnqopho, abamukelilwazi nobujamo. - <b>Kuneemphoso zehlelo kodwana azilimazi ihlathululo</b> .  - <b>15 ukuya phezulu yeemphoso tlo melisa=5/6</b> <b>Kuye ngokobana zingangani</b>	<b>3–4</b> - Iphimbo, irejista, isitayela nelwazimagama <b>kuwufanele kancani</b> umnqopho, abamukelilwazi nobujamo. - <b>Kuneemphoso zehlelo ezenza bona ihlathululo ingazwakali</b> .   	<b>0–2</b> - Iphimbo, irejista, isitayela nelwazimagama <b>akukhambelani</b> nomnqopho, abamukelilwazi nobujamo. - <b>Kuneemphoso ezinengi khulu ezenza bona ihlathululo ingazwakali nakancani</b> .  




**ISITJENGISO SOKWABIWA KWEMITLOMELO:****Km-/sk- : (Tlola umtlomelo otholwe mfundi)****L- : (Tlola umtlomelo otholwe mfundi)**

## AMATSHWAYO OKUMELE ASETJENZISWE BOTITJHERE NABATSHWAYAKO

## IGREYIDI 10-12

Itshwayo	Ihlathululo	Itshwayo elikhambelanako ethekstini	Isibonelo setshwayo elisetjenzisiweko	Lapha kulungiswe khona
?	Faka itshwayo likanobuza	h	?	
!	Faka itshwayo lokubabaza	h	!	
/-/	Faka u-dwi/ihayifeni	h	/-/	
9	Susa bese uyalivala(igama)	/	KwaMhlanga	KwaMhlanga
#	Hlukanisa amagama	#	...ebesakhelene nabo	...ebe sakhelene nabo
9	Susa(Tlola phezu kweledere/kwegama elisuswako)	Susa igameli	Umma ukhamba <del>uyakhamba</del> ngekoloyi	Umma ukhamba ngekoloyi
stet	Tjhiya njengombana kunjalo/Lisa(umtlo)njengombana unjalo	...ngaphasi kwamaledere/igama olisule ngephoso	Ubaba ukhamba nomma	Ubaba <u>ukhamba</u> nomma

<b>Gabh</b>	Tlola igabhadlhela	≡....ngaphasi kweledere lelo/igama elifuze litlolwe ngegabhadlhela	<u>U</u> nomzana Mahlangu	uNomzana Mahlangu
<b>L.nc</b>	Tlola ngeledere elincani	≡...ngaphasi kweledere lelo/igama elifuze litlolwe ngamagama amancani	...ngi <u>Z</u> okukhamba	...ngizokukhamba
	Vala bese ususa isikhala hlangana namaledere	Hlanganisa amaledere	Emthola  pilo	Emtholapilo
<b>s.e</b>	Thoma isigaba esitjha	Isib: sele kumele athome isigaba esilandelako.	...kwabo.  Abesana...	..kwabo.  Abesana.....
	Faka iledere/igama elitjengwise emajinini		Umma uyak  huphula	Umma uyakghuphula
	Faka ungci		Abesana bebagula	Abesana bebagula.
	Faka ikhoma		Ubaba uthenge iimbuzi iinkomo nezinja.	Ubaba uthenge iinkomo, iimbuzi nezinja.

<b>sp</b>	Thalela igama elingatloleki kuhle bese utlola <b>sp</b> ngaphezulu	<b>sp</b>	...ngitluwile	... <u>ngitlhuwile</u>
<b>sv</b>	Thalela igama elinesivumelwano esingakafaneli besi utlola <b>sv</b> ngaphezulu	<b>sv</b>	Ikomo <u>zakhe</u>	Ikomo <u>yakhe</u>
<b>ibu</b>	Thalela okubuyelelweko bese utlola <b>ibu</b> ngaphezulu	<b>ibu</b>		
<b>mhl</b>	Thalela umutjho ongakahleleki kuhle bese utlola <b>mhl</b> ngaphezulu	<b>mhl</b>		
<b>hl</b>	Thalela isihlanganiso esingasetjenziswa kuhle bese utlola <b>hl</b> ngaphezulu	<b>hl</b>		
	Igama elingakaqunteki kuhle		<u>tu</u>	Umun- 
	Umqondo oquntiweko endimeni			
<b>I</b>	Thalela ilimi elingamukelekiko bese utlola <b>I</b> ngaphezulu	<b>I</b>		